

孔子集語

孔子集語卷十三

山東督糧道 臣 孫星衍撰

事譜十一下

**韓詩外傳五** 孔子抱聖人之心彷徨乎道德之域逍遙乎無形之鄉倚天理觀人情明終始知得失故興仁義厭勢利以待養之于時周室微王道絕諸侯力政強劫弱衆暴寡百姓靡安莫之紀綱禮儀廢壞人倫不理於是孔子自東自西自南自北匍匐救之

**韓詩外傳六** 孔子行簡子將殺陽虎孔子似之帶甲以圍孔子舍子路慍怒奮戟將下孔子止之曰由何仁義之寡裕也夫詩書之不習禮樂之不講是上之

罪也若吾非陽虎而以我爲陽虎則非上之罪也命也我歌子和若

當作由歌

子路歌孔子和之三終而

圍罷

**莊子外篇秋水**

孔子遊於匡宋人圍之數匝而弦

歌不輟子路入見曰何夫子之娛也孔子曰來吾語女我諱窮久矣而不免命也求通久矣而不得時也當堯舜而天下無窮人非知得也當桀紂而天下無通人非知失也時勢適然夫水行不避蛟龍者漁父之勇也陸行不避兕虎者獵夫之勇也白刃交於前視死若生者烈士之勇也知窮之有命知通之有時臨大難而不懼者聖人之勇也由

處矣吾命有所制矣無幾何將甲者進辭曰以爲陽虎也故圍之今非也請辭而退

**說苑雜言**

孔子之宋匡簡子將殺陽虎孔子似之

甲士以圍孔子之舍子路怒奮戟將下闕孔子止之曰何仁義之不免俗也夫詩書之不習禮樂之不脩也是上之過也若似陽虎則非上之罪也命也夫由歌吾和汝子路歌孔子和之三終而甲罷

**筆操**

孔子厄者孔子使顏淵執轡到匡郭外顏淵舉

策指匡穿垣曰往與陽虎正從此入匡人聞其言孔子貌似陽虎告匡君曰往者陽虎今復來至乃率衆圍孔子數日不解弟子皆有飢色於是孔子仰天而

集言卷十三  
嘆曰君子固亦窮乎子路聞孔子之言悲感悖然大  
怒張目奮劒聲如鐘鼓顧謂二三子曰使吾有此厄  
也孔子曰由來今汝欲闢名爲戮我於天下爲汝悲  
歌而感之汝皆和我由等唯唯孔子乃引琴而歌音  
曲甚哀有暴風擊拒軍士僵仆於是匡人乃知孔子  
聖人瓦解而去

呂氏春秋慎大覽貴因孔子道蘊子瑕見釐夫人因  
也

淮南子泰族訓孔子欲行王道東西南北七十說  
而無所偶故因衛夫人彌子瑕而欲通其道

鹽鐵論論儒孔子適衛因嬖臣彌子瑕以見衛夫

人子路不說

**藝文類聚六十北引典畧**孔子近衛衛夫人南子使

人謂之曰四方君子之來者必見寡小君孔子不得已見之夫人在錦帷中孔子北面稽首夫人自帷中

御覽七百  
作幕中

再拜環佩之聲璆然

御覽作  
璆璆然

**呂氏春秋恃君覽召類**趙簡子將襲衛使史默往睹

之期以一月六月而後返趙簡子曰何其久也史默

曰謀利而得害猶弗察也今蘧伯玉爲相史鰌佐焉

孔子爲客子貢使令於君前甚聽易曰渙其羣元吉

渙者賢也羣者衆也元者吉之始也渙其羣元吉者

其佐多賢也簡子按兵而不動

鹽鐵論論儒孔子能方不能圓故飢于黎丘

藝文類聚三十引典略孔子過宋與弟子習禮於樹

下

御覽五百二十三引典略作於大樹下

宋司馬桓魋使人拔其樹去

適於野

御覽作去適鄭

韓詩外傳九

孔子出衛

疑當作鄭

之東門逆姑布子卿曰

二三子引車避有人將來必相我者也志之姑布子

卿亦曰二三子引車避有聖人將來孔子下步姑步

子卿迎而視之五十步從而望之五十步顧子貢曰

是何爲者也子貢曰賜之師也所謂魯孔丘也姑布

子卿曰是魯孔丘歟吾固聞之子貢曰賜之師何如

姑布子卿曰得堯之類舜之目禹之頸皋陶之喙從

前視之盎盎乎似有王者從後視之高肩弱脊此惟不及四聖者也子貢吁然姑布子卿曰子何患焉汗面而不惡葭喙而不藉遠而望之羸乎若喪家之狗子何患焉子貢以告孔子孔子無所辭獨辭喪家之狗耳曰丘何敢乎子貢曰汗面而不惡葭喙而不藉賜以知之矣不知喪家狗何足辭也子曰賜汝獨不見夫喪家之狗歟旣斂而棹布器而祭顧望無人意欲施之上無明王下無賢士方伯王道衰政教失強陵弱衆暴寡百姓縱心莫之綱紀是以固以丘爲欲當之者也丘何敢乎

**白虎通壽命**

夫子過鄭與弟子相失獨立郭門外



或謂子貢曰東門有一人其頭似堯其頸似皋繇其肩似子產然自要以下不及禹三寸僂僂如喪家之狗子貢以告孔子孔子喟然而笑曰形狀未也如喪家之狗然哉乎然哉乎

**論衡骨相** 孔子適鄭與弟子相失孔子獨立鄭東門鄭人或問子貢曰東門有人其頭似堯其項若皋陶肩類子產然自腰以下不及禹三寸僂僂若喪家之狗子貢以告孔子孔子欣然笑曰形狀未也如喪家狗然哉然哉

**三國魏劉廙傳注引新序** 趙簡子欲專天下謂其相曰趙有犢犢晉有鐸鳴魯有孔丘吾殺三人者天下

可王也於是乃召犢孺鐸鳴而問政焉已卽殺之使

使者聘孔子於魯以胖牛肉迎於河上使者謂船人

曰孔子卽上船中河必流

御覽八百六十  
三引作安流

而殺之孔

子至使者致命進胖牛之肉孔子仰天而歎曰美哉

水平洋洋乎使上不濟此水者命也夫子路趨而進

曰敢問何謂也孔子曰夫犢孺鐸鳴晉國之賢大夫

也趙簡子未得意之時須而後從政及其得意也殺

之黃龍不反於涸澤鳳凰不離其爵羅故剗胎焚林

則麒麟不臻覆巢破卵則鳳皇不翔竭澤而漁則龜

龍不見鳥獸之於不仁猶知避之況上乎故虎嘯而

谷風起龍興而景雲見擊庭鐘於外而黃鐘應於內

夫物類之相感精神之相應若響之應聲影之象形故君子違傷其類者今彼已殺吾類矣何爲之此乎於是遂回車不渡而還

按今本新序無

**說苑權謀**

趙簡子曰晉有澤鳴犢犢魯有孔丘吾

殺此三人則天下可圖也於是乃召澤鳴犢犢任之以政而殺之使人聘孔子於魯孔子至河臨水而觀曰美哉水洋洋乎丘之不濟於此命也夫子路趨進曰敢問奚謂也孔子曰夫澤鳴犢犢晉國之賢大夫也趙簡子之未得志也與之同聞見及其得志也殺之而後從政故丘聞之刳胎焚天則麒麟不至乾澤而漁蛟龍不游覆巢毀卵則鳳凰

不翔上聞之君子重傷其類者也

**琴操**將歸操者孔子之所作也趙簡子循執玉帛以聘孔子孔子將往未至渡狄水聞趙殺其賢大夫寶鳴犢喟然而嘆之曰夫趙之所以治者鳴犢之力也殺鳴犢而聘余何上之往也夫燔林而田則麒麟不至覆巢破卵則鳳凰不翔鳥獸尙惡傷類而況君子哉於是援琴而鼓之云翱翔於衛復我舊居從吾所好其樂只且

**水經河水注五**昔趙鞅殺鳴犢仲尼臨河而歎自是而返曰上之不濟命也夫琴操以爲孔子臨狄水而歌矣曰狄水衍兮風揚波船楫顛倒更相加

又見續博物志八  
孔子適趙臨河不濟  
波舟楫顛倒更相加  
歸來歸來胡爲斯  
釋史孔子類記一引水經注

莊子雜篇萬物篇莊子謂惠子曰孔子行年六十而六十化始時所是卒而非之未知今之所謂是之非五十九非也惠子曰孔子勤志服知也莊子曰孔子謝之矣而其未之嘗言孔子云夫受才乎大本復靈以生鳴而當律言而當法利義陳乎前而好惡是非直服人之口而已矣使人乃以心服而不敢讎立定天下之定已乎已乎吾且不得及彼乎

墨子耕柱葉公子高問政於仲尼曰善爲政者若之何仲尼對曰善爲政者遠者近之而舊者新之

莊子內篇人間世葉公子高將使於齊問於仲尼曰  
王使諸梁也甚重齊之待使者蓋將甚敬而不急臣  
夫猶未可動也而況諸侯乎吾甚慄之子嘗語諸梁  
也曰凡事若小若大寡不道以懼成事若不成則必  
有人道之患事若成則必有陰陽之患若成若不成  
而後無患者唯有德者能之吾食也執粗而不臧饗  
無欲清之人今吾朝受命而夕飲水我其內熱與吾  
未至乎事之情而既有陰陽之患矣事若不成必有  
人道之患是兩也爲人臣者不足以任之子其有以  
語我來仲尼曰天下有大戒二其一命也其一義也  
子之愛親命也不可解於心臣之事君義也無適而

非君也無所逃於天地之間是之謂大戒是以夫事  
其親者不擇地而安之孝之至也夫事其君者不擇  
事而安之忠之盛也自事其心者哀樂不易施乎前  
知其不可柰何而安之若命德之至也爲人臣子者  
固有所不得已行事之情而忘其身何暇至於悅生  
而惡死夫子其行可矣上請復以所聞凡交近則必  
相靡以信遠則必忠之以言言必或傳之夫傳兩喜  
兩怒之言天下之難者也夫兩喜必多溢美之言兩  
怒必多溢惡之言凡溢之類妄妄則其信之也莫莫  
則傳言者殃故法言曰傳其常情無傳其溢言則幾  
乎全且以巧闢力者始乎陽常卒乎陰泰至則多奇

巧以禮飲酒者始乎治常卒乎亂泰至則多奇樂凡事亦然始乎諒常卒乎鄙其作始也簡其將畢也必巨言者風波也行者實喪也夫風波易以動實喪易以危故忿設無由巧言偏辭獸死不擇音氣息弗然於是竝生心厲剋核太至則必有不肖之心應之而不知其然也苟爲不知其然也孰知其所終故法言曰無遷令無勸成過度益也遷令勸成殆事美成在久惡成不及改可不慎與且夫乘物以遊心託不得已以養中至矣何作爲報也莫若爲致命此其難者

**荀子宥坐**

孔子南適楚厄於陳蔡之間七日不火食

藜羹不糲弟子皆有飢色子路進問之曰由聞之爲



善者天報之以福爲不善者天報之以禍今夫子累德積義懷美行之日久矣奚居之隱也孔子曰由不識吾語汝汝以知者爲必用邪王子比干不見剖心乎汝以忠者爲必用邪關龍逢不見刑乎汝以爲諫者爲必用邪伍子胥不礫姑蘇東門外乎夫遇不遇者時也賢不肖者材也君子博學深謀不遇時者多矣由是觀之不遇世者衆矣何獨丘也哉夫芷蘭生於深林非以無人而不芳君子之學非爲通也爲窮而不困憂而意不衰也知禍福終始而心不惑也夫賢不肖者材也爲不爲者人也遇不遇者時也死生者命也今有其人不遇其時雖賢其能行乎苟遇其

時何難之有故君子博學深謀脩身端行以俟其時  
孔子曰由居吾語汝昔晉公子重耳霸心生於曹越  
王句踐霸心生於會稽齊桓公小白霸心生於莒故  
居不隱者思不遠身不佚者志不廣女庸安知吾不  
得之桑落之下

**韓詩外傳**

孔子困於陳蔡之間卽三經之席七

日不食藜藿不粦弟子有飢色讀書習禮樂不休

子路進諫曰爲善者天報之以福爲不善者天報

之以賊今夫子積德累仁爲善久矣意者尙有遺

行乎

本作意者當遺行乎據文選對楚王問辯命論兩注引改

笑居之隱也孔

子曰由來汝小人也未講於論也居吾語汝子以

知者爲無罪乎則王子比干何爲刳心而死子以義者爲聽乎則伍子胥何爲抉目而縣吳東門子以廉者爲用乎則伯夷叔齊何爲餓於首陽之山子以忠者爲用乎則鮑叔何爲而不用葉公子高終身不仕鮑焦抱木而泣子推登山而燔故君子博學深謀不遇時者衆矣豈獨丘哉賢不肖者材也遇不遇者時也今無有時賢安所用哉故虞舜耕於歷山之陽立爲天子其遇堯也傅說負土而版築以爲大夫其遇武丁也伊尹固有莘氏僮也負鼎操俎調五味而立爲相其遇湯也呂望行年五十賣食棘津年七十屠於朝歌九十乃爲天子

師則遇文王也管夷吾束縛自檻車以爲仲父則  
遇齊桓公也百里奚自賣五羊之皮爲秦伯牧牛  
舉爲大夫則遇秦繆公也虞丘於天下於上有以  
爲令尹讓於孫叔敖則遇楚莊王也伍子胥前功  
多後戮死非知有盛衰也前遇闔閭後遇夫差也  
夫驥罷鹽車此非無形容也莫知之也使驥不得  
伯樂安得千里之足造父亦無千里之手矣夫蘭  
茝生於茂林之中深山之間人莫見之故不芬夫  
學者非爲通也爲窮而不困憂而志不衰先知禍  
福之始而心無惑焉故聖人隱居深念獨聞獨見  
夫舜亦賢聖矣南面而治天下惟其遇堯也使舜

居桀紂之世能自免於刑戮之中則爲善矣亦何位之有桀殺關龍逢紂殺王子比干當此之時豈關龍逢無知而王子比干不慧乎哉此皆不遇時也故君子務學脩身端行而須其時者也子無惑焉

**說苑雜言**

孔子困於陳蔡之間居環堵之內席三

經之席七日不食藜藿不糝弟子皆有飢色讀詩書治禮不休子路進諫曰凡人爲善者天報以福爲不善者天報以禍今先生積德行為善久矣意者尙有遺行乎奚居隱也孔子曰由來汝不知坐吾語汝子以夫知者爲無不知乎則王子比干何

爲剖心而死以諫者爲必聽邪伍子胥何爲抉目  
於吳東門子以廉者爲必用乎伯夷叔齊何爲餓  
死於首陽山之下子以忠者爲必用乎則鮑莊何  
爲而肉枯荆公子高終身不顯鮑焦抱木而立枯  
介子推登山焚死故夫君子博學深謀不遇時者  
衆矣豈獨丘哉賢不肖有才也爲不爲者人也遇  
不遇者時也死生者命也有其才不遇其時雖才  
不用苟遇其時何難之有故舜耕歷山而逃於河  
畔立爲天子則其遇堯也傳說負壤土釋板築而  
立佐天子則其遇武丁也伊尹有莘氏媵臣也負  
鼎俎調五味而佐天子則其遇成湯也呂望行年

五十賣食於棘津行年七十屠牛朝歌行年九十  
爲天子師則其遇文王也管夷吾束縛膠目居檻  
車中自車中起爲仲父則其遇齊桓公也百里夷  
自賣取五羊皮伯氏牧羊以爲卿大夫則其遇秦  
穆公也沈尹名聞天下以爲令尹而讓孫叔敖則  
其遇楚莊王也伍子胥前多功後戮死非其智益  
衰也前遇闔閭後遇夫差也夫驥尾罷鹽車非無  
驥狀也夫世莫能知也使驥得王良造父驥無干  
里之足乎芝蘭生深林非爲無人而不香故學者  
非爲通也爲窮而不困也憂而不衰也此知禍福  
之始而心不惑也聖人之深念獨知獨見舜亦賢

聖矣南面治天下唯其遇堯也使舜居桀紂之世能自免刑戮固可也又何官得治乎夫桀殺關龍逢而紂殺王子比干當是時豈關龍逢無知而比干無惠哉此桀紂無道之世然也故君子疾學脩身端行以須其時也

**說苑雜言** 孔子遭難陳蔡之境絕糧弟子皆有飢色孔子歌兩柱之間子路入見曰夫子之歌禮乎子曰不應曲終而曰由君子好樂爲無驕也小人好樂爲無懾也其誰知之子不我知而從我者乎子路不說授干而舞三終而出及至七日孔子脩樂不休子路慍見曰夫子之脩樂時乎孔子不應



樂終而曰由昔者齊桓霸心生于莒句踐霸心生于會稽晉文霸心生于驪氏故居不幽則思不遠身不約則智不廣庸知而不遇之於是興明日免於厄子貢執轡曰二三子從夫子而遇此難也其不可忘已孔子曰惡是何也語不云乎三折肱而成良醫夫陳蔡之間止之幸也二三子從上者皆幸人也吾聞人君不困不成王列士不困不成行昔者湯困於呂文王困於羑里秦穆公困於殽齊桓困於長勺勾踐困於會稽晉文困於驪氏夫困之爲道從寒之及煖煖之及寒也唯賢者獨知而難言之也易曰困亨貞大人吉無咎有言不信聖

人所與人難言信也

**莊子雜篇讓王** 孔子窮於陳蔡之閒七日不火食藜  
藿不糝顏色甚憊而弦歌於室顏回釋菜子路子貢  
相與言曰夫子再逐於魯削迹於衛伐樹於宋窮於  
商周圍於陳蔡殺夫子者無罪藉夫子者無禁弦歌  
鼓琴未嘗絕音君子之無心也若此乎顏回無以應  
入告孔子孔子推琴喟然而嘆曰由與賜細人也召  
而來吾語之子路子貢入子路曰如此者可謂窮矣  
孔子曰是何言也君子通於道之謂通窮於道之謂  
窮今丘抱仁義之道以遭亂世之患其何窮之爲故  
內省而不窮於道臨難而不失其德天寒旣至霜雪

既降吾是以知松柏之茂也陳蔡之隘於上其幸乎  
孔子削然反琴而弦歌子路圯然執干而舞子貢曰  
吾不知天之高也地之下也古之得道者窮亦樂通  
亦樂所樂非窮通也道德於此則窮通爲寒暑風雨  
之序矣故許由嫂於潁陽而其伯得乎其首

**呂氏春秋孝行覽慎人** 孔子窮於陳蔡之間七日

不嘗食藜藿不糝宰子備矣孔子弦歌於室顏回  
擇菜於外子路與子貢相與而言曰夫子逐於魯  
削迹於衛伐一作拔樹於宋窮於陳蔡殺夫子者無  
罪藉夫子者不禁夫子弦歌鼓琴未嘗絕音蓋君  
子之無所醜也若此乎顏回無以對入以告孔子

孔子慨然推琴喟然而嘆曰由與賜小人也召吾  
語之子路與子貢入子貢曰如此者可謂窮矣孔  
子曰是何言也君子達於道之謂達窮於道之謂  
窮今上也拘仁義之道以遭亂世之患其所也何  
窮之謂故內省而不疚於道臨難而不失其德大  
寒既至霜雪既降吾是以知松柏之茂也昔桓公  
得之莒文公得之曹越王得之會稽陳蔡之厄於  
上其幸乎孔子烈然返瑟而弦子路抗然執干而  
舞子貢曰吾不知天之高也不知地之下也古之  
得道者窮亦樂達亦樂所樂非窮達也道得於此  
則窮達一也爲寒暑風雨之序矣故許由虞乎穎

陽而其伯得乎其首

**風俗通七**

孔子困於陳蔡之間七日不嘗粒藜藿不糝而猶絃琴於室顏回擇菜於戶外子路子貢相與言曰夫子逐於魯削迹於衛拔樹於宋今復見戾於此殺夫子者無罪籍夫子者不禁夫子絃歌鼓儻未嘗絕音蓋君子之無恥也若此乎顏淵無以對以告孔子孔子恬然推琴喟然而嘆曰由與賜小人也召吾語之子路與子貢入子路曰如此可謂窮矣夫子曰由是何言也君子通於道之謂通窮於道之謂窮今丘抱仁義之道以遭亂世之患其何窮之爲故內省不疚於道臨難而不失

其德大寒既至霜雪既降吾是以知松柏之茂也  
昔者桓公得之莒文公得之曹越得之會稽陳蔡  
之厄於丘其幸乎

**莊子外篇山木**

孔子窮於陳蔡之間七日不火食左

據槁木右擊槁枝而歌焱氏之風有其具而無其數  
有其聲而無宮角木聲與人聲犁然有當於人之心  
顏回端拱還目而窺之仲尼恐其廣已而造大也愛  
已而造哀也曰回無受天損易無受人益難無始而  
非卒也人與天一也夫今之歌者其誰乎回曰敢問  
無受天損易仲尼曰飢渴寒暑窮極不行天地之行  
也運物之泄也言與之偕遊之謂也爲人臣者不敢

去之執臣之道猶若是而況乎所以待天乎何謂無受人益難仲尼曰始用四達爵祿並至而不窮物之所利乃非已也吾命有在外者也君子不爲盜賢人不爲竊吾若取之何哉故曰鳥莫知於鵲鵲目之所不宜處不給視雖落其實棄之而走其畏人也而襲諸人間社稷存焉爾何謂無始而非卒仲尼曰化其萬物而不知其禪之者焉知其所終焉知其所始正而待之而已耳何謂人與天一邪仲尼曰有人天也有天亦天也人之不能有天性也聖人晏然體逝而終矣

**墨子非儒**孔丘窮於陳蔡之閒蔡羹不繼十日子

路爲享豚孔丘不問肉之所由來而食號號字之誤孔叢  
制作人衣以酤酒孔丘不問酒之所由來而飲哀公  
迎孔丘席不端弗坐割不正弗食子路進請曰何  
其與陳蔡反也孔丘曰來吾語汝曩與女爲苟生  
今與女爲苟義

**國氏春秋審分覽任數**孔子窮乎陳蔡之間藜羹不

斟七日不嘗粒晝寢顏回索米得而爨之幾熟孔子  
望見顏回攫其甑中而食之選閒食熟謁孔子而進  
食孔子佯爲不見之孔子起曰今者夢見先君食潔  
而後饋顏回對曰不可嚮者煤室御覽八百三十八引作煨煤  
甑中棄食不祥回攫而飯之孔子歎曰所信者目也



而目猶不可信所恃者心也而心猶不足恃弟子記之知人固不易矣

**論衡知實**顏淵炊飯塵落甑中欲置之則不清投地則棄飯掇而食之孔子望見以爲竊食

**說苑貴德**孔子之楚有漁者獻魚甚強孔子不受獻魚者曰天暑遠市賣之不售思欲棄之不若獻之君子孔子再拜受使弟子埽除將祭之弟子曰夫人將棄之今吾子將祭之何也孔子曰吾聞之務施而不腐餘財者聖人也今受聖人之賜可無祭乎

**說苑雜言**楚昭王召孔子將使執政而封以書社七百子西謂楚王曰王之臣用兵有如子路者乎使諸

侯有如宰子者乎長官五官有如子貢者乎昔文王處鄴武王處鎬鄴鎬之間百乘之地伐上殺主立爲天子世皆曰聖王今以孔子之賢而有書社七百里之地而三子佐之非楚之利也楚王遂止

**莊子內篇人間世**

孔子適楚楚狂接輿遊其門曰鳳

兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎畫地而趨迷陽迷陽無傷吾行吾行卻曲無傷吾足山木自寇也膏火自煎也桂可食故伐之漆可用故割之人皆知有用之

用而莫知無用之用也

**琴操** 猗蘭操者孔子所作也孔子歷聘諸侯諸侯莫能任自衛反魯過隱谷之中見薺蘭獨茂喟然嘆曰夫蘭當爲王者香今乃獨茂與衆草爲伍譬猶賢者不逢時與鄙夫爲倫也乃止車援琴鼓之云習習谷風以陰以雨之子于歸遠送于野何彼蒼天不得其所逍遙九州無所定處世人闇蔽不知賢者年紀逝邁一身將老自傷不逢時托辭於薺蘭云

**越絕書七** 昔者陳成恒相齊簡公欲爲亂憚齊邦鮑晏故徙其兵而伐魯魯君憂也孔子患之乃召門人弟子而謂之曰諸侯有相伐者尙恥之今魯父母之

邦也上墓存焉今齊將伐之可無一出乎顏淵辭出  
孔子止之子路辭出孔子止之子貢辭出孔子遣之  
**吳越春秋夫差內傳**十三年齊大夫陳成恒欲弑  
簡公陰憚齊國鮑晏故前興兵伐魯魯君憂之孔  
子患之召門人而謂之曰諸侯有相伐者上嘗恥  
之夫魯父母之國也上墓在焉今齊將伐之子無  
意一出邪子路辭出孔子止之子張子石請行孔  
子弗許子貢辭出孔子遣之

**越絕書外傳本事**

子貢與夫子坐告夫子曰太宰死

夫子曰不死也如是者再子貢再拜而問何以知之  
夫子曰天生宰嚭者欲以亡吳吳今未亡宰何病乎

後人來言不死

**淮南子人間訓**昔者衛君朝於吳吳王囚之欲流之於海說者冠蓋相望而弗能止魯君聞之撤鐘鼓之縣縞素而朝仲尼入見曰君胡爲有憂色魯君曰諸侯無親以諸侯爲親大夫無黨以大夫爲黨今衛君朝於吳王吳王囚之而欲流之於海執衛君之仁義而遭此難也吾欲免之而不能爲柰何仲尼曰若欲免之則請子貢行魯君召子貢授之將軍之印子貢辭曰貴無益於解患在所由之道斂躬而行至於吳見太宰嚭太宰嚭甚說之欲薦之於王子貢曰子不能行說于王柰何吾因子也太宰嚭曰子焉知子一作

之不能也子貢曰衛君之來也衛國之半曰不若朝於晉其半曰不若朝於吳然衛君以爲吳可以歸骸骨也故束身以受命今子受衛君而囚之又欲流之於海是賞言朝於晉者而罰言朝於吳也且衛君之來也諸侯皆以爲者邇兆今朝於吳而不利則皆移心於晉矣子欲成伯王之業不亦難乎太宰嚭入復之於王王報出令於百官曰比十日而衛君之禮不具者死子貢可謂知所以說矣

**論衛世家**孔子聞衛亂曰嗟乎柴也其來乎由也其死矣

**御覽八百六十五引風俗通**子路感雷精而生尙

剛好勇死衛人醢之孔子覆醢每聞雷聲惻怛耳  
**拾遺記** 孔子相魯之時有神鳳游集至哀公之末  
不復來翔故云鳳鳥不至可為悲矣

**初學記** 二十九引孝經石契御覽入百八十一孔子夜

夢豐沛邦有赤烟氣起顏回子夏侶往觀之驅車到

楚西北范氏之廟見芻兒捶麟傷其前左足束薪而

覆之孔子曰兒來汝姓為誰曰吾姓為赤松子時橋

事類賦二十注引孝經援神契作字時僞名受紀孔子曰汝豈有所見乎

吾所見一禽如麕羊頭頭上有角其末有肉方以是

西走孔子發薪下麟視孔子而往事類賦注作孔子

往孔子而麟蒙其耳吐三卷書孔子精而讀之

魯哀公十四年孔子夜夢三槐之間豐沛之邦有赤氤氣起乃呼顏淵子夏同往觀之驅車到楚西北范氏街見芻兒打麟傷其左前足束薪而覆之孔子曰兒來汝姓爲誰兒曰吾姓爲赤松名時喬字受紀孔子曰汝豈有所見乎兒曰吾所見一禽如麕羊頭頭上有角其末有肉方以是西走孔子曰天下已有主也爲赤劉陳項爲輔五星入井從歲星兒發薪下麟示孔子孔子趨而往麟向孔子蒙其耳吐三卷圖廣三寸長八寸每卷二十四字其言赤劉當起曰周亡赤氣起火曜興玄丘制命帝卯金



拾遺記

周靈王立二十一年孔子生於魯襄公

之世夜有二蒼龍自天而下來附徵在之房因夢而生夫子有二神女擎香露於空中而來以沐浴徵在天帝下奏鈞天之樂列於顏氏之房空中有聲言天感生聖子故降以和樂笙鏞之音異於俗世也又有五老列於徵在之庭則五星之精也夫子未生時有麟吐玉書於闕里人家文云水精之子孫衰周而素王故二龍繞室五星降庭徵在賢明知爲神異乃以繡紋繫麟角信宿而麟去相者云夫子係股湯水德而素王至敬王之末魯定公十四年魯人鋤商田得麟以示夫子繫角之紋尙

猶在焉夫子知命之將終乃抱麟解紱涕泗滂沱  
且麟出之時及解紱之歲垂百年矣

**藝文類聚十引琴操**魯哀公十四年西狩薪者獲麟

擊之傷其左足將以示孔子孔子道與相逢見俛而  
泣抱麟曰爾孰爲來哉孰爲來哉反袂拭面乃歌曰  
唐虞世兮麟鳳遊今非其時來何求麟兮麟兮我心  
憂仰視其人龍顏日月當作角夫子奉麟之口須臾取

三卷圖一爲赤伏劉季興爲王二爲周滅夫子將終  
三爲漢制造作孝經夫子還謂子夏曰新主將起其  
如得麟者

**御覽二十一**又七百二十四引公孫尼子孔子有疾

哀公使醫視之醫曰子居處飲食何如孔子曰丘春  
居葛室夏居密陽秋不風冬不煬飲食不造飲酒不  
勤醫曰是良藥也

**釋史孔子類記四引莊子**孔子病子貢出卜孔子曰

吾坐席不敢先居處若齋飲食若祭吾卜之久矣

**論衡別通**孔子病商瞿卜期日中孔子曰取書來比

至日中何事乎

**劉子崇學**宣尼臨沒手不釋卷

**水經注二十五引春秋說題辭**孔子卒以所受黃玉

**葬魯城北**御覽八百四引同又白虎通崩薨引檀弓曰孔子卒以所受魯君之璜玉葬魯城北

今檀弓無此文

論衡紀妖 孔子當泗水而葬泗水卻流

御覽五百六十八 魯大夫叔梁紇冢在

魯國東陽聚安泉東北八十五步名曰防冢民傳曰

防墳于防地微高孔子冢魯城北便門外南去城十

里冢營方百畝冢南北廣十步東西十步釋史引作

高丈二尺冢爲祠壇釋史作冢前以方六尺與地方

平無祠堂釋史作與地冢塋中樹以百數皆異種魯

人世世皆無能名其樹者民傳云孔子弟子異國人

各持其國樹來種之釋史此下有其樹作粉維孔子

塋中不生荆棘及刺人草伯魚冢孔子冢東邊與孔

子竝大小相望子思冢在孔子冢南亦大小相望經本

注二十五泗水引皇覽云弟子各以四方奇木來植故多異樹不生棘木刺草

**金** 孔子冢在魯城北塋中樹以百數皆異種魯人世世無能名者傳言孔子弟子既皆異國之人各持其國樹來種之孔子塋中至今不生荆棘草木

**漢書** 恭王初營治宮室壞孔子舊宅以廣其宮聞鐘磬琴瑟之音遂不敢復壞於其壁中得古文經傳

**水經注** 十五 泗水 廟屋三間夫子在西間東向顏母在中間南向夫人隔東一閒東向夫人當作夫子牀前有石硯一枚作甚朴云平生時物也

**初學記** 卷之四 經征記 魯國孔子廟中夫子床

前有石硯一枚作甚古朴素夫子平生時物案敘

對兩引又見御覽六百五

**御覽** 卷之四 引輿地志 贊皇縣有孔子嶺上有石

堂寬博其石相拒若楹柱有石人像執卷之狀

孔子集語卷十三終

孔子集語卷十四

山東督糧道

臣

孫



雜事十二

禮記檀弓疏引論語撰考識

叔梁紇與徵在禱尼丘

山感黑龍之精以生仲尼

藝文類聚八十八引春秋演孔圖

孔子母徵在游大

冢

事類賦注二十五御覽九百五十五與此同三百六十一作大澤

之陂睡夢黑帝

使請與已交語曰女乳必於空桑之中覺則若感生

上於空桑之中

後漢班固傳下注引演孔圖

孔子母徵在夢感黑帝

而生故曰元聖

論衡實知孔子生不知其父若母匿之吹律自知殷

宋大夫子氏之世也

御覽十六引論衡曰孔子吹律自知殷之苗裔

御覽三百七十一引演孔圖孔胸文曰制作定世符

運

御覽三百七十七引演孔圖孔子長十尺大九圍坐

如蹲龍立如牽牛就之如昂望之如斗

御覽三百六十七引孝經授神契孔子海口言若含

澤

御覽三百六十七引孝經劄命決仲尼舌理七重陳

重授度

御覽三百六十八引劄命決仲尼斗脣吐教陳机授



度

御覽三百六十八引論語決 夫子嘗言注象鉤星也

御覽三百六十八引論語決 天子輔喉

御覽三百六十八引論語決 仲尼虎掌是謂威射

御覽三百六十八引論語決 仲尼虎掌

御覽三百六十八引論語摘 孔子臂應矩是謂

儀古

御覽三百六十八引論語決 仲尼長

御覽三百六十八引論語決 仲尼之狀面如蒙俱

御覽三百六十八引論語決 孔子首類魯國尼丘山故名爲丘

論衡骨相 孔子反羽 又講瑞篇孔子反字又劉子命相篇孔子返字

御覽六百九十八引論語隱義注孔子至蔡解於客

舍夜有人取孔子乙隻屐去盜者置屐于受盜家孔子屐長一尺四寸與凡人屐異

路廣注引世本圻頂反首張面

路廣注引世本生而顙頂故名丘而字仲尼四十有九

表隄眉谷竅參臂駢脅要大十圍長九尺有六寸時謂長人

戰國策七甘羅曰夫項橐生七歲而爲孔子師

淮南子修務訓夫項託七歲爲孔子師孔子有以

聽其言也

淮南子說林訓高誘注項託年七歲窮難孔子而

爲之作師

**論衡實知**夫項託年七歲教孔子

**御覽四百四引春秋後語**甘羅曰夫項橐十歲爲

孔子師

**呂氏春秋仲素**紀綱樂孔子學於老聃孟蘇夔靖叔

**百虎通**莊雍孔子師老聃又見潛夫論讚學

**說苑尊賢**鮑龍跪石而登嵯孔子爲之下車

**劉子知人**鮑龍跪石而吟仲尼爲之下車

**晏子春秋問上**故臣聞仲尼居處情倭廉隅不正則

季次原憲侍氣鬱而疾志意不通則仲由卜商侍德

不盛行不厚則顏回騫雍侍

聖賢羣輔錄廣博物志二十引尸子

仲尼志意不

立子路侍儀服不修公西華侍禮不習子貢侍辭  
不辨宰我侍亡忽古今顏回侍節小物冉伯牛侍  
曰吾以夫六子自勵也

韓詩外傳九

傳曰孔子過康子子張子夏從孔子入

坐二子相與論終日不快子夏辭氣甚溢顏色甚變  
子張曰子亦聞夫子之議論邪徐言閭閻威儀翼翼  
後言先默得之推讓巍巍乎蕩蕩乎道有歸矣小人  
之論也專意自是言人之非瞋目搯腕疾言噴噴口  
沸目赤一幸得勝疾笑噬噬威儀固陋辭氣鄙俗是  
以君子賤之也

**賈子容經**子路見孔子之背著折舉哀曰唯由也見

孔子聞之曰由也何以遺亡也

**列子說符**孔子之勁能拓國門之關而不肯以力聞

**呂氏春秋慎大覽慎大**孔子之勁舉國門之關而

不肯以力聞薛據集諸引作孔子之勁能拓國門之關勇復孟諸足蹠秋兔不以力聞

**淮南子道應訓**孔子勁杓國門之關而不肯以力

聞

**淮南子主術訓下**孔子之通智過於甚宏勇服於

孟賁足躡於郊菟力招城關能亦多矣然而勇力

不聞伎巧不知專行孝一作教道以成素王事亦鮮

矣春秋二百四十二年亡國五十二弑君三十六

采善鉏醜以成王道論亦博矣然而圍於匡顏色  
不變弦歌不徹臨死亡之地犯患難之危據義行  
理而志不懾一作攝分亦明矣然而爲魯司寇聽獄  
必爲斷作爲春秋不道鬼神不敢專已

**呂氏春秋審分覽不二**孔子貴仁

**淮南子修務訓**孔子無黔突

**劉子惜時**仲尼恹恹突不暇黔

**論衡道頌**孔子顯三累之行

**論衡幸遇**魯城門久朽欲頽孔子過之趨而疾行左  
右曰久矣孔子曰惡其久也孔子戒慎已甚如過遭  
壞可謂不幸也故孔子曰君子有不幸而無有幸小

人有幸而無不幸

**論衡言毒** 孔子見陽虎却行白汗交流

**御覽六十三引論語比考識** 水名盜泉仲尼不漱注

曰夫子教于洙泗之間今于城北二水之中卽夫子領徒之所也

**文選陸機猛虎行注引尸子** 孔子至於勝母暮矣

而不宿過於盜泉渴矣而不飲惡其名也

**說苑說叢** 水名盜泉孔子不飲

**後漢鍾離意傳** 孔子忍渴於盜泉之水

**呂氏春秋孝行覽遇合** 文王嗜昌蒲菹孔子聞而服之縮頰而食之三年然後勝之

論衡語增傳語曰文王飲酒千鍾孔子百觚

列子說符宋人有好行仁義者三世不懈家無故黑牛生白犢以問孔子孔子曰此吉祥也以薦上帝居一年其父無故而盲其牛又復生白犢其父又復令其子問孔子其子曰前問之而失明又何問乎父曰聖人之言先迂後合其事未究姑復問之其子又復問孔子孔子曰吉祥也復教以祭其子歸致命其父曰行孔子之言也居一年其子又無故而盲其後楚攻宋圍其城民易子而食之析骸而爇之丁壯者皆乘城而戰死者大半此人以父子有疾皆免及圍解而疾俱復



北堂書鈔直經二十卷外傳孔子使子貢為其

不來孔子占之遇鼎謂弟子曰占之遇鼎皆言無足

而不來顏回掩口而笑孔子曰回也何哂乎曰回謂

賜必來孔子曰何如也回對曰乘舟而來矣賜果至

矣陳禹謨本作孔子使子貢適齊久而未回孔子占

之遇鼎謂弟子曰占之遇鼎無足而不來顏回掩

口而笑孔子曰回也何哂乎曰回謂賜必來孔子曰如

何對曰卜而鼎無足必乘舟而來矣賜果至按今

無此傳

藝文類聚七十一引衝波傳孔子使子貢久而不

來孔子謂弟子占之遇鼎皆言無足不來顏回掩

口而笑子曰回也哂謂賜來也曰無足者乘舟而

來至矣清旦朝子貢果至驗如顏回之言御覽七百二十

入引衝波傳略同按薛據集語引呂氏春秋亦載此事今本無之薛蓋誤

**說苑辨物**

孔子晨立堂上聞哭者聲音甚悲孔子援

琴而鼓之其音同也孔子出而弟子有吒者問誰也曰回也孔子曰回何爲而吒回曰今者有哭者其音甚悲非獨哭死又哭生離者孔子曰何以知之回曰似完山之鳥孔子曰何如回曰完山之鳥生四子羽翼已成乃離四海哀鳴送之爲是往而不復返也孔子使人問哭者哭者曰父死家貧賣子以葬之將與其別也孔子曰善哉聖人也

**莊子雜篇外物**

宋元君夜半而夢人被髮闕阿門曰

子自宰路之淵予爲清江使河伯之所漁者余且得

予元君覺使人占之曰此神龜也君曰漁者有余且  
乎左右曰有君曰令余且會朝明日余見君曰漁  
何得對曰且之網得白龜焉箕圖五尺君曰獻若之  
龜龜至君再欲殺之再欲活之心疑卜之曰殺龜以  
卜吉乃剖龜七十二鑽而無遺筭仲尼曰神龜能見  
夢於元君而不能避余且之網知能七十二鑽而無  
遺筭而不能避剗腸之患如是則知有所困神有所  
不及也

**史記褚先生補龜策傳**

孔子聞之曰神龜知吉凶而

骨直空枯日爲陽德而君於天下辱於三足之鳥月  
爲刑而相佐見食於蝦蟆蝟辱於鵲騰蛇之神而殆

於卽且竹外有節理中直空虛松柏爲白木長而守  
門閭日辰不全故有孤虛黃金有疵白玉有瑕事有  
所疾亦有所徐物有所拘亦有所據罔有所數亦有  
所踈人有所貴亦有所不如何可而適乎物安可全  
乎天尙不全故世爲屋不成三瓦而居之以應之天  
天下有階物不全乃生也

**春秋繁露山川頌**

孔子曰山川神祇立寶藏殖器用

資曲直含大者可以爲宮室臺榭小者可以爲舟輿

浮漚大者無不中疑當小者無不人持斧則斫折疑當

鑿古文苑

則艾生人立禽獸伏死人入多其功而不

言是以君子取譬也

**說苑脩文** 孔子見子桑伯子子桑伯子不衣冠而處弟子曰夫子何爲見此人乎曰其質美而無文吾欲說而文之孔子去子桑伯子門人不說曰何爲見孔子乎曰其質美而文繁吾欲說而去其文

**說苑反質** 仲尼問於老聃曰甚矣道之於今難行也吾比執道委質以當世之君而不我受也道之於今難行也老子曰夫說者流於聽言者亂於辭如此二者則道不可委矣

**中論審大臣** 魯人見仲尼之好讓而不爭也亦謂之無能

**韓詩外傳一**

孔子南游適楚至於阿谷之隧有處子

佩瑱而浣者孔子曰彼婦人其可與言矣乎抽觴以授子貢曰善爲之辭以觀其語子貢曰吾北鄙之人也荆南之楚逢天之暑思心潭潭願乞一飲以表我心婦人對曰阿谷之隧隱曲之汜其水載清載濁流而趨海欲飲則飲何問婦人乎御覽七十四引受子貢觴迎流而挹之矣然而棄之促流而挹之矣然而溢之坐置之沙上曰禮固不親授子貢以告孔子曰上知之矣抽琴去其軫以授子貢曰善爲之辭以觀其語子貢曰嚮子之言穆如清風不悖我語和暢我心於此有琴而無軫願借予以調其音婦人對曰吾鄙野之人也僻陋而無心五音不知安能調琴子貢

以告孔子曰丘知之矣抽絺綌五兩以授子貢曰善爲之辭以觀其語子貢曰吾北鄙之人也將南之楚於此有絺綌五兩吾不敢以當子身敢置之水浦婦人對曰客之行差遲乖人御覽八百十九作行分其客之人差遲乖久資財棄之野鄙吾年甚少何敢受子子不早去今竊有狂夫守之者矣

**列女傳**

**通**阿谷處女者阿谷之隧浣者也孔子

南游過阿谷之隧見處子佩璵而浣孔子謂子貢曰彼浣者其可與言乎抽觴以授子貢曰爲之辭以觀其志子貢曰我北鄙之人也自北徂南將欲之楚逢天之暑我思譚譚願乞一飲以伏我心處

子曰阿谷之隧隱曲之地其水一清一濁流入於海欲飲則飲何問乎婢子授子貢觴迎流而挹之投而棄之從流而挹之滿而溢之跪置沙上曰禮不親授子貢還報其辭孔子曰丘已知之矣抽琴去其軫以授子貢曰爲之辭子貢往曰嚮者聞子之言穆如清風不拂不濫私復我心有琴無軫願借子調其音處子曰我鄙野之人也陋固無心五音不知安能調琴子貢以報孔子孔子曰丘已知之矣過賢則賓抽絺綌五兩以授子貢曰爲之辭子貢往曰我北鄙之人也自北徂南將欲之楚有絺綌五兩非敢以當子之身也願注之水旁處子



曰行客之人嗟然永久分其資財棄於野鄙妾年  
甚少何敢受子子不早命竊有狂夫名之者矣子  
貢以告孔子孔子曰丘已知之矣斯婦人達於人  
情而知禮

**楚辭七諫**路室之女方桑兮孔子過之以自侍王逸  
注言孔子出游過於客舍其女方采桑一心不視喜  
其貞信故以自侍

**世說新語**一百六引琴操孔子游於陂山見取薪而  
哭長梓上有孤鶴乃承而歌之陳禹謨本作孔子遊  
於山隅見梓樹上有  
孤鶴乃承而歌之

**藝文類聚**二十四引琴操孔子游於泰山見薪者哭

甚哀孔子問之薪者曰吾自傷故哀爾

**釋史孔子類記四引吳越春秋**夫差聞孔子至吳微

服觀之或人傷其指王怒欲索或而誅之子胥諫乃

止今本無

**吳越春秋句踐伐吳外傳十**越王既已誅忠臣霸於

關東從瑯琊起觀臺周七里以望東海死士八千人

戈船三百艘居無幾躬求賢士孔子聞之從弟子奉

先王雅琴禮樂奏於越越王乃被唐夷之甲帶步光

之劍杖屈盧之矛出死士以三百人爲陳關下孔子

有頃到越王曰唯唯夫子何以教之孔子曰上能述

五帝三王之道故奏雅琴以獻之大王越王喟然嘆

曰越性脆而愚水行山處以船爲車以楫爲馬往若  
飄風去則難從說兵敢死越之常也夫子何說而欲  
教之孔子不荅因辭而去

**越絕書八**

句踐伐吳霸關東從瑯琊起觀臺周九

里以望東海死士八千人戈船三百艘居無幾躬  
求賢聖孔子從弟子七十人奉先王雅琴治禮往

奏句踐乃身被賜

一作陽夷

夷之甲帶步光之劒杖

物盧之矛出死士三百人爲陣關下孔子有頃到

越越王曰唯唯夫子何以教之孔子對曰臣能述

五帝三王之道故奏雅琴至大王所句踐喟然嘆

曰夫越性脆而愚水行而山處以船爲車以楫爲

馬往若飄風去則難從銳兵任死越之常性也夫子異則不可於是孔子辭弟子莫能從乎

**釋史孔子類記一孔衝波傳**孔子去衛適陳塗中見

二女采桑子曰南枝窈窕北枝長荅曰夫子游陳必絕糧九曲明珠穿不得著來問我采桑娘夫子至陳大夫發兵圍之令穿九曲珠乃釋其尻夫子不能使回賜返問之其家謬言女出外以一瓜獻二子子貢曰瓜子在內也女乃出語曰用蜜塗珠絲將繫蟻蟻將繫絲如不肖過用烟燻之子依其言乃能穿之於是絕糧七日

**搜神記十九**孔子尼於陳弦歌於館中夜有一人長

九尺餘著皂衣高冠大咤聲動左右子貢進問何人

邪便提子貢而挾之子路引出與戰於庭有頃未勝

孔子察之見其甲車閒時時開如掌孔子曰何不採

其甲車引而奮登子路引之沒手仆於地乃是大鯢

魚也長九尺餘孔子曰法苑珠林變化篇太平廣記四百六十八引作孔子歎曰

此物也胡爲來哉吾聞物老則羣精依之因衰而至

此其來也豈以吾遇厄絕糧從者病乎夫六畜之物

及龜蛇魚鼈草木之屬久者神皆馮依能爲妖怪故

謂之五酉五酉者五行之方皆有其物酉者老也物

老則爲怪珠林及廣記引殺之則已夫何患焉或者

天之未喪斯文以是繫子之命乎不然何爲至於斯

也弦歌不輟子路烹之其味滋病者興明日遂行

**金樓子雜記**

孔子出游於山使子路取水逢虎於

水與戰攬尾得之納於懷中取水還問孔子曰上士殺虎如之何子曰中士殺虎持虎耳又問下士殺虎如之何子曰下士殺虎捉虎尾子路出尾棄之復懷石盤曰夫子知虎在水而使我取水是欲殺我也乃欲殺夫子問上士殺人如之何曰用筆端中士殺人如之何曰用語言下士殺人如之何曰用石盤子路乃棄盤而去

御覽

八百九十二引  
作乃棄石盤而行

**釋名**

**卷八**

**釋名**

禹治洪水至牧德之

山見神人焉謂禹曰勞子之形役子之慮以治洪水  
無乃怠乎我有靈寶五符以役蛟龍水豹因授禹而  
誠之曰事畢可祕於靈山禹成功後藏于洞庭苞山  
之穴至吳王闔閭之時有龍威丈人得符獻之吳王  
以示羣臣皆莫能識乃令齋符以問孔子曰吳王閑  
居有赤鳥銜此書以至王所莫辨其文故令遠問孔  
子曰昔禹治水於牧德之山遇神人授以靈寶五符  
後藏洞庭之苞山君王所得無乃是乎赤鳥之事上  
所未聞

今本所無恐  
馬氏誤引

**抱朴子內篇辨問**靈寶經有正機平衡飛龜授袂

三篇皆仙術也吳王伐石以治宮室而於合石之

中得紫文金簡之書不能讀之使使者持以問仲尼而欺仲尼曰吳王閼居有赤崔銜書以置殿上不知其義故遺諸星仲尼以視之曰此乃靈寶之方長生之法禹之所服隱在水邦年齊天地朝於紫庭者也禹將仙化封之名山石函之中乃今赤崔銜之殆天授也

**釋史孔子類記四引靈寶要略**昔太上以靈寶五篇真文以授帝嚳帝嚳將仙封之於鍾山至夏禹巡狩度弱水登鍾山遂得是文後復封之包山洞庭之室吳王閼閼出游包山見一人自言姓山名隱居閼閼扣之乃入洞庭取素書一卷呈閼閼其



文不可識令人齎之問孔子孔子曰丘聞童謠曰  
吳王出游觀震湖龍威丈人山隱居北上包山人  
雲墟乃入洞庭竊禹書天地大文不可舒此文長  
傳百六初若強取出喪國廬闔閭乃尊事之

**御覽一百五十七引東觀漢記**鮑永字君長爲魯郡  
中有洞庭深遠世莫能測吳王使靈威丈人入洞  
穴十七日不能盡因得玉葉上刻靈寶二卷使示  
孔子云禹之書也

**御覽一百五十七引東觀漢記**鮑永字君長爲魯郡  
太守時彭豐等不肯降後孔子闕里無故荆棘自開  
從講室埽除至孔里永異之召郡府丞謂曰方今厄

急而闕里無故自滌意豈夫子欲令太守大行饗誅  
無狀也乃修學校理請豐等會手格殺之

御覽九百二十二引崔鴻十六國春秋北涼錄昔魯  
人有浮海而失津者至於亶州見仲尼及七十子游  
于海中與魯人一體杖令閉目乘之使歸告魯侯築  
城以備寇魯人出海投杖水中乃龍也具以狀告魯  
侯不信俄而羣燕數萬銜土培城魯侯乃大城曲阜  
迄而齊寇至攻魯不克而還

孔子集語卷十四終

孔子集語卷十五

山東督糧道 臣 孫星衍撰

遺識十三

**周易乾鑿度**

孔子曰洛書摘亡辟曰建紀者歲也成

姬倉有命在河聖孔表雄德庶人受命握麟徵

**周易乾鑿度**

孔子曰推卽位之術乾坤三上中下坤

變初六復曰正陽在下爲聖人故一聖二庸三君子  
四庸五聖六庸七小人八君子九小人十君子十一  
小人十二君子十三聖人十四庸人十五君子十六  
庸人十七聖人十八庸人十九小人二十君子二十  
一小人二十二君子二十三小人二十四君子二十

五聖人二十六庸人二十七君子二十八庸人二十九聖人三十庸人三十一小人三十二君子三十三小人三十四君子三十五小人三十六君子三十七聖人三十八庸人三十九君子四十小人四十一聖人四十二庸人孔子曰極至德之世不過此乾三十二世消坤三十六世消代聖人者仁繼之者庸人仁世淫庸世貍二陰之精射三陽當卦自埽知命守錄其可防鈎鈐解命圖興孔子曰上文以候授明之出莫能雍

周易集註

孔子曰復十八世消以三六也臨十二

世消以二六也泰三十世消以二九二六也大壯二

十四世消以二九一六也夾三十二世消以三九二四也

**周易乾鑿度**孔子曰姤一世消无所據也遁一世消據不正也否十世消以二五也觀二十世消以二五四六也當有誤剝十二世消以三四也

**周易乾鑿度**孔子軌以七百六十爲世軌者堯以甲子受天元爲推術七往六來八往九來七爲世軌者文王推爻四乃術數

**周易乾鑿度**孔子曰以爻正月爲享國數存六期者天子欲求水旱之厄以位入軌年數除軌竿盡則厄所遭也甲乙爲饑丙丁爲旱戊己爲中興庚辛爲兵

壬癸爲水卧筭爲年立筭爲日必除先入軌年數水旱兵饑得矣如是乃救災度厄矣陽之法

**周易乾鑿度**

孔子曰天之將降嘉瑞應

文選李康運命論注引作

聖人受命瑞應先見於河

河水清三日青四日青變爲赤

御覽八百七十三引作河水清變爲白白變爲赤

中水安井天乃清明圖乃見見必南向仰天言見三日以三日見六日以六日見九日以九日見十二日以十二日見十五日以十五日見皆言其餘日

**周易乾鑿度**

孔子曰帝德之應洛水先溫九日後五

日變爲五色元黃天地之靜書見矣負圖出午聖人見五日以五日見十日以十日見十五日以十五日

見二十日以二十日見二十五日以二十五日見三十日以三十日

**周易乾鑿度**孔子曰君子亦於靜若龍而无角河二日清二日白二日赤二日黑二日黃虵見水中用日也一日辰爲法以一辰二辰以三辰以四五辰以六七辰以八九辰以十辰以十一辰以十二辰夜不可見水中赤煌煌如火英圖書虵皆然也

**周易乾鑿度**孔子曰復表日角臨表龍顏泰表載于大壯表握訴龍角大展夬表升骨履文姤表耳參漏足履王知多權遊表日角連理否表二好文觀表出準虎剝表重童明歷元此皆律歷運期相一匡之神

也欲所按合誠洛書靈準聽曰氣五機七八合提九  
爻結八九七十二錄圖起初世者戲也姬通紀河圖  
龍出洛書龜子演亦八者七九也始倉甄節五七受  
命數運不俗守錄以次第相改七九度變命失寶合  
七八八名畢升漸喜六十四精聖性象有錄第以所  
變畢動動目者提不者殆易物之慎命不在作者霸  
橫者距命歷通執并投者上契輔摘推失排絀者咸  
名紀所錯中真用材毀者五行旋代出輔運相拒與  
更用事終始相討期有終至有餘運有託除要有知  
銜合七八以視旋機審矣

**周易乾鑿度**

孔子曰至德

之數先立木金水火土德



合三百四歲五德備凡一千五百二十歲大終復初  
其求金木水火土德日名之法道一紀七十六歲因  
而四之爲三百四歲以一歲三百六十五日四分乘  
之凡爲十一萬一千三十六以甲爲法除之餘三十  
六以三十六甲子始數立立算皆爲甲旁算亦爲甲  
以日次次之母算者乃木金火水土德之日也德益  
三十六五德而止六日名甲子木德主春春生三百  
四歲庚子金德主秋成收三百四歲丙子火德主夏  
長三百四歲壬子水德主冬藏三百四歲戊子土德  
主季夏致養三百四歲六子德四正四正子午卯酉  
也而期四時凡一千五百二十歲終一紀五德者所

以立尊號論天弗志長久

**周易乾鑿度** 孔子曰丘按錄議論國定符以春秋西狩題劍表命子亦握嬙帝之十二當興平嗣出妃妾妾得亂不勤竭承維表循符當至者塞政在樞害時失命黷壽以符瑞伏代災七錄握藉成年剝衰期凶勅侯脩身練黷郵專兌兌德始剋免延期自然之議推引相拘沮思愈知命不或世帝思圖也夫天道三微而成一著三著而體成

**易緯通卦驗** 孔子曰太皇之先與燿合元精五帝期以序七神天地成位君臣道生君五期輔三名以建德通萬靈遂皇始出握機矩表計宜其刻曰蒼牙微古

書引作  
蒼渠

通靈昌之成孔演命明道經燧人之皇及處  
戲生本尙芒芒開矩聽八蒼靈唯精不慎明之害類  
遠振擲度出表挺後名知命陳效睹三萬一千一終  
一名處方牙蒼精作易無書以盡序

**易緯通卦驗**

孔子表洛書摘亡辟曰亡秦者胡也上

以推秦白精也其先星咸河出圖挺白以胡誰亡胡  
之名行之名行之萌秦爲赤軀非命王故帝表有七  
五命七以永慶王以火代黑黑畏黃精之起因威萌  
處羲作易仲仲命德維紀衡周文增通八八之節轉  
序二百八十四爻以繫王命之瑞謀二十五君常其  
一也興亡殊方各有其祥封于泰山禪于梁陰易姓

之起刻石明號上表大命謀天皇巽奎坤艮出亡興  
之街仲者帝命所保行文出加政撥臣陽候七陰候  
八皆行子午視卯酉相違遠期衝六千三百變非摘  
亡據興盡在文昌所會增卦爻可以先知珍瑞之類  
妖孽之將審其繫象通神明明者類視七若九八卦  
以推七九之微錄圖準命畧爲世題萌表試故十二  
月十二日政八風二十四炁其相應之驗猶響之應  
人動作言語也故正其本而萬物理失之毫釐差以  
千里

**易緯辨終備**孔子表河圖皇參持曰天以斗視日發  
明皇以戲招始掛八卦談

易緯是類謀孔子演曰天子亡徵九聖人起有八符

運之以斗稅之以昴五七布舒河出錄圖雒授變書

文選漢高祖功高頌注引尚書璇璣鈴孔子曰五帝

出八錄圖

又齊安陸王碑  
文注引作錄圖

隸釋史晨祠孔廟碑引尚書考靈鑒上生倉際觸期

稽度爲赤制故作春秋以明文命綴紀撰書修定禮

義

文選齊安陸王碑文注引春秋元命包孔子曰扶桑

者日所出房所立其耀盛蒼神用事精感姜原卦得

震震者動而光故知周蒼代殷者爲姬昌人形龍顏

長大精翼日衣青光

公羊哀十四年解詁得麟之後天下血書魯端門曰

趨作法孔聖沒周姬亡彗東出秦政起胡破術書記

散孔不絕子夏明日往視之血書飛為赤鳥化為白

書署曰演孔圖中有作圖制法之狀

疏云演孔圖文

御覽八百四又九百十四引春秋演孔圖孔子論經

有鳥化為書孔子奉以告天赤爵集

水經注二十五引作衛

書上化為黃玉刻曰孔提命作應法為赤制

載文類聚九十

引此下有集二字

藝文類聚九十八引演孔圖趣作法聖沒周姬亡

彗東出秦政胡破術書記散孔不絕此魯端門血

書十三年冬有星孛東方說題曰麟德之月天當

有血書端門子夏至期往視逢一卽言門有血書  
往寫之血蜚鳥化爲帛鳥消書出署曰演孔圖

**御覽六百八十四引演孔圖**孔子曰丘作春秋天授演孔  
圖中有大玉刻一版曰璇璣一低一昂是七期驗敗  
毀滅之徵也

**御覽六百八十四引春秋感精符**孔子按錄書含觀五常  
英人知姬昌爲蒼帝精

**北堂書鈔八十五拜揖引孝經右昇**制作孝經道備  
使七十二弟子向北辰星而磬折使曾子抱河洛事  
北面孔子衣絳單衣向北辰星而拜者也

**事類賦十五注引孝經援神契**孔子制作孝經使

七十二子向北辰磬折使曾子抱河洛事北向孔子搢縹筆衣絳單衣向北辰而拜

**搜神記**入孔子修春秋制孝經既成齋戒向北辰而拜告備於天乃洪鬱起白霧摩地赤虹自上而下舊作白虹從初學記二御覽十化爲黃玉長三尺尺上有刻文孔子跪受而讀之曰寶文出劉季握卯金刀在軫北字木子天下服

**宋書**齊瑞慈孔子作春秋制孝經既成使七十二弟子向北辰星磬折而立使曾子抱河洛事北向孔子齋戒向北辰而拜告備於天曰孝經四卷春秋河洛凡八十一卷謹已備天乃洪鬱起白霧摩



地赤虹自上下化爲黃玉長二尺上有刻文孔子  
跪受而讀之曰寶文出劉子握卯金刀在軫北字  
禾子天下服

隸釋史晨祠孔廟碑引孝經援神謨上立制命帝卯  
行

御覽六百七引孝經中契上學孝經文成道立齊以  
白天則立雲踊紫宮開北門角亢星北落司命天使  
書題號孝經篇雲神星裳孔丘知元今使陽衢乘紫  
麟下告地主要道之君後年麟至口吐圖文北落郎  
服書魯端門隱形不見子夏往觀寫得十七字餘字  
滅消文其餘飛爲赤鳥翔靡青雲

文選書類通思友人詩注文劉歆移書譚太常博士  
論語集解識子夏六十四人其撰仲尼微言以  
當素王

御覽五百七引論語摘輔像仲尼爲素王顏淵爲司  
徒

御覽五引論語識仲尼曰吾聞堯率舜等遊首山觀  
河渚有五老遊河渚一老曰河圖將來告帝期二老  
曰河圖將來告帝謀三老曰河圖將來告帝書四老  
曰河圖將來告帝圖五老曰河圖將來告帝筮一作符  
龍銜玉苞金泥玉檢封盛書五老飛爲流星上入昴  
文選宣德皇后令注引作龍銜玉苞刻版題命可卷  
金泥玉檢封書成知我者重聽黃姚觀五老飛爲流

星上  
入鼻

**御覽八十** **引論語**

**堯舜**堯舜登首山觀河

渚有五老遊于河渚相謂曰河圖將來告帝期五  
老流星上昴有須赤龍負玉苞舒圖出堯與大舜  
等共發曰帝當樞百則禪虞舜嗚呼然嘆曰咨爾舜  
天之歷數在爾躬

**論衡**

**知**孔子將死遺讖書曰不知何一男子自謂

秦始皇上我之堂踞我之牀顛倒我衣裳至沙丘而  
亡又曰董仲舒亂我書又書曰亡秦者胡也

後漢郎顗傳顗對尚書曰孔子曰漢三百載計歷改

**憲**

劉歆曰計  
當作斗

三國志魏文紀注引孔子王版定天下者魏公子相

計芝奏引春秋王版識  
曰代赤眉者魏公子

後漢鍾離意傳注引意別傳意爲魯相到官出私錢

萬三千文付戶曹孔詵修夫子車身入廟拭机席劍  
履男子張伯除堂下草土中得玉璧七枚伯懷其一  
以六枚白意意令主簿安置几前孔子教授堂下牀  
首有懸甕意召孔詵問此何甕也對曰夫子甕也昔  
有丹書人莫敢發也意曰夫子聖人所以遺甕欲以  
懸示後賢因發之中得素書文曰後世修吾書董仲  
舒護吾車拭吾履發吾筭會稽鍾離意璧有七張伯  
臧其一意卽召問伯果服焉

御覽八百七引及搜神  
記三作意卽召問伯

有七何藏一邪伯叩  
頭出之上文皆同

**續漢郡國志注補**鍾離意別意首堂有孔子

小車乘皆朽敗意自糴俸雇漆膠之直請營民治  
之及護几席劒履後得甕中素書曰護吾履鍾離  
意

**續漢郡國志注補**漢晉春秋鍾離意相魯見仲

尼廟頽毀會諸生於廟中慨然嘆曰蔽芾甘棠勿  
剪勿伐況見聖人廟乎遂躬留治之周觀輿服之  
在焉自仲尼以來莫之開也意發視之得古文策  
書曰亂吾書董仲舒治吾堂鍾離意壁有七張伯  
懷其一意尋案未了而卒張伯者治中庭治地得

六壁上之意曰此有七何以不遂伯懼探壁懷中  
魯咸以爲神

**水經注二十五泗水**魯人藏孔子所乘車于廟中  
是顏路所請者也獻帝時遇火燒之永平中鍾離  
爲魯相到官出私錢萬三千文付戶曹孔詵治夫  
子車身入廟拭几席劒履男子張伯除堂下草土  
中得玉璧七枚伯懷其一以六枚白意意令主簿  
安置几前孔子寢堂牀首有懸甕意召孔詵問何  
等甕也對曰夫子甕也背有丹書人勿敢發也意  
曰夫子聖人所以遺甕欲以懸示後賢耳發之中  
得素書文曰後世修吾書董仲舒護吾車拭吾履

發吾筭會稽鍾離意壁有七張伯藏共一意卽召  
問伯果服焉

孔子集語卷十五終